

## 8. gr.

83

Skatttekjur samkvæmt reglugerð þessari renna í hrepps sjóð, en féð skal þó varðveita í sérstökum sjóði, er hreppsnefnd stjórnar. 31. júlí

Skulu reikningar sjóðsins fylgja sveitarsjóðsreikningum, og endurskoðast og úrskurðast með þeim. Fé sjóðsins skal verja til hvers konar menningarstarfsemi í Vallahreppi, svo sem til styrktar heilbrigðri félagsstarfsemi í hreppnum og til styrktar íþróttalífi og listum.

## 9. gr.

Brot gegn reglugerð þessari varða sektum. Mál, sem rísa kunna út af reglugerð þessari, skal fara með sem opinber mál.

## 10. gr.

Reglugerð þessi, sem sett er skv. heimild í lögum nr. 34/1918, öðlast þegar gildi.

*Menntamálaráðuneytið, 31. júlí 1961.*

F. h. r.

**Birgir Thorlacius.**

*Knútur Hallsson.*

Staðfesting forsetans á skipulagsskrá fyrir Húnasjóð, útgefin á venjulegan hátt 84  
ad mandatum af dómsmálaráðherra 2. ágúst 1961. 2. ágúst  
Skipulagsskráin er þannig:

## SKIPULAGSSKRÁ

fyrir Húnasjóð.

## 1. gr.

Sjóðurinn heitir Húnasjóður. Heimili hans og varnarþing er á Hvammstanga.

## 2. gr.

Sjóðinn stofna hjónin Ásgeir Magnússon og Unnur Ásmundsdóttir til þess að minnst Alþýðuskóla Húnavetninga, sem Ásgeir stofnaði og rak á Hvammstanga árin 1913—20.

Stofnfé sjóðsins er:

## a. Upphaflegt stofnfé Húnasjóðs:

Frá Ásgeiri Magnússyni og Unni Ásmundsdóttur .....	kr.	3000.00
Frá sýslunefnd Vestur-Húnavatnssýslu .....	—	1000.00
Vextir .....	ca.	2000.00

b. Framlag frá Ásgeiri og Unni .....	—	24000.00
--------------------------------------	---	----------

Samtals kr. 30000.00

Framlagið, kr. 24000.00, verður innt af höndum í reiðu fé, jafnskjótt og sýslunefnd V.-Hún. hefur fallizt á að taka við sjóðnum og fengin er staðfesting, sem um getur í 7. grein. Sýslunefnd V.-Hún. leggur sjóðnum árlega — meðan hún sér ástæðu til — eitthvert fé, sem hún ákveður hverju sinni, eða sér sjóðnum á annan hátt fyrir einhverjum tekjustofni. Einnig má efla sjóðinn með gjöfum og áheitum.

84

2. ágúst

Tilgangur sjóðsins er að styrkja félitla en efnilega námsmenn eða námsmeyjar:

- a. Til náms í náttúruvísindum við Háskóla Íslands, eins og um getur í 5. gr.
- b. Til náms í raunvísindum við háskóla eða tækniskóla, eins og um getur í 5. gr.

Sá eða sú, sem ætlar sér að námi loknu, að starfa í heimahéraði, situr að öðru jöfnu fyrir styrk, sem um getur í síðari málsgrein hér að ofan, þ. e. undir staflið b.

Vegna þess að fé sjóðsins er lítið, álitum við, að fyrst um sinn verði ekki hægt að ætla sjóðnum víðtækara starfssvið en um getur í fyrri málsgrein hér að ofan, þ. e. undir staflið a. En ef að því skyldi koma, að sjóðurinn eflist svo mjög — og þá vegna framlaga eða ráðstafana sýslunefndar Vestur-Húnavatnssýslu eða annarra — að sjóðurinn geti að álitum sýslunefndar fært út verksvið sitt, þá leggjum við það á vald hennar, hvort eða hvenær síðari málsgrein — undir staflið b — skuli til viðbótar fyrir málsgrein — undir staflið a — koma til framkvæmda.

## 4. gr.

Sjóðurinn er falinn sýslunefnd Vestur-Húnavatnssýslu til varðveislu og ráðstöfunar samkvæmt tilgangi hans. Skipar hún þriggja manna sjóðstjórn, formann, ritara og gjaldkera. Sjóðstjórn heldur gerðabók og sjóðbók. Í gerðabók skal rita skipulagsskrá sjóðsins og gerðir og ályktanir sjóðstjórnar í sjóðsins þágu. Þá og ætla stuðningsmönnum rúm, ef einhverjir verða, og framlögum þeirra. Sjóðbók geymir tekjur og gjöld sjóðsins og ársreikning. Oddviti sýslunefndar löggildir bækurnar. Sjóðstjórn annast öll störf, er sjóðinn varðar. Hún leggur tillögur sínar um lán, er síðar getur, fyrir sýslunefnd til samþykkis — eða úthlutar lánnum í umboði hennar. Sjóðstjórn leggur ársreikning sjóðsins fyrir sýslunefnd til samþykkis. Reikningar sjóðsins skulu birtir með reikningum sýslusjóðs. Sjóðstjórnin getur reiknað sér þóknun fyrir að afla sjóðnum tekna, en venjuleg stjórnarstörf vinnur hún kauplaust, og enginn reksturskostnaður má á sjóðinn falla.

## 5. gr.

Í vörzlu sjóðstjórnar verði eignum sjóðsins skipt í stofnfé, sem verði geymt í tryggum eignum, og áhættufé, sem verði varið til námslána samkvæmt 3. gr. Sjóðstjórnin skal ráða, hve mikið telst hverju sinni til hvors flokks. Báðir flokkar ávaxtast þannig, að verðfall gjaldeyris skaði sjóðinn aldrei — sbr. vísitölutryggð skuldabréf o. þ. h. Sjóðstjórn ákveður vexti og gjalddaga. Starfsvið sjóðsins er Vestur-Húnavatnssýsla öll.

## 6. gr.

Jafnskjótt og sjóðurinn hefur hlotið staðfestingu, sem um getur í 2. gr., skal verja kr. 10000.00 — tíu þúsund — af fé hans til herbergis í fyrirhuguðum Garði Háskólans. Herbergið heiti Ægissíða og verði til afnota fyrir stúdent úr Vestur-Húnavatnssýslu, sbr. 3. grein.

## 7. gr.

Leita skal staðfestingar forsetans á skipulagsskrá þessari, og fellur þá úr gildi skipulagsskrá Húnasjóðs, birt í Stjórnartíðindum 3. júní 1950.

Reykjavík, 7. marz 1961.

Ásgeir Magnússon.

Unnur Ásmundsdóttir.